

Pisassat akileqquneqartarnerannik akiliisitsiniartarnermillu kommunit suleqatigiinnerat pillugu Inatsisartut inatsisaat nr. 4, 12. maj 2005-imeersoq

Akiligassiisarneq aamma akiliisitsiniartarneq

§ 1. Kommunalbestyrelsip, akiligassiissutinik akiligassiisarnermik akiliisitsiniartarnermillu kommunalbestyrelsip inatsisit naapertorlugit isumagisaanik communalbestyrelsi alla imaluunniit Akileraartarnermut Pisortaqarfik isumaqatigiissuteqarnikkut tamakkiisumik ilaannakuusumilluunniit isumaginnittussatut piginnaatissinnaavaa.

Imm. 2. Imm. 1 malillugu piginnaatitsissummi ilaavoq communalbestyrelsip suliakkiisup akiliisitsiniarnermi pinngitsaaliissutinik inatsisit naapertorlugit atuisinnaatitaanera.

Imm. 3. Imm. 1 malillugu piginnaatitsisoqarnerani arsaarinninnissamik suliassat akiliisitsiniartartumit kommunimi piginnaatinneqartumi atorfeqartitaasumit suliarineqassapput. Akileraartarnermut Pisortaqarfik suliamut piginnaatinneqarpat, kommunip suliakkiisup Akileraartarnermut Pisortaqarfimmi atorfeqartitaasoq akiliisitsiniartartutut toqqagassanngortissinnaavaa.

§ 2. § 1 malillugu piginnaatitsissummi ilaasinnaapput communalbestyrelsip akiligassiissutinik akiligassiinermut akiliisitsiniarnermullu atatillugu ernianik, akiliisitsissutinik akitsuutinilu inatsisit malillugit akiligassiisinnaatitaanera.

§ 3. § 1 malillugu piginnaatitsissummi aalajangersakkami, akiitsoqartup kommunimi suliakkerneqartumiittup taamaallaat arsaarinnissuteqarnissaq pillugu, kommunimi najugarisami imaluunniit kommunimi angerlarsimaffigisami aningaasarsiornikkut pissutsit atugai assigisaallunniit pillugit apersuinissaq siunertaralugu aggeqquneqarsinnaaneranik aalajangersakkamik imaqassaaq.

§ 4. § 1 malillugu piginnaatitsissut Akileraartarnermut Pisortaqarfimmit akuersissutigineqarsimassaaq, taanna kommunimi maleruagassat allat assigalugit pisortatigoortumik nalunaarutigineqartarnerattuulli tusarliunneqassaaq.

Imm. 2. Imm. 1 malillugu piginnaatitsineq taamaallaat akiitsulimmur aalajangersimasumut imaluunniit akiligassiissutinut aalajangersimasunut imaluunniit akiitsoqartunut aalajangersimasunut attuumassuteqarpata taava kommunip suliakkiisup, inuit akiitsoqartut ataasiakkaat toqqaannartumik allakkatigut piginnaatitsisimaneq pillugu nalunaaruteqarfigissavai.

Naammagittaalliorneq

§ 5. Aalajangiinermut naammagittaalliuut taanna § 1 naapertorlugu piginnaatitsissut malillugu aalajangiinerutillugu, pisortatut oqartussaasumut naammagittaalliuutigineqarsinnaavoq,

kommunalbestyrelsep suliakkiisup aalajangiinerinut naammagittaalliorfissaasutut taasamut.

Imm. 2. § 1 naapertorlugu piginnaatitsissut malillugu aalajangiinerit kommunalbestyrelsemut suliakkiisumut naammagittaalliuutigineqarsinnaanngillat.

Imm. 3. Aalajangiinermut naammagittaalliuutit tigusat taakkualu aalajangiivigineqarneri pil-lugit kommunalbestyrelsimumt suliakkiisumut, suliamut piginnaatinneqartup tamatigut nalunaaruteqarnikkut naammassineqarnissaa isumagissavaa.

Paasissutissanik piumasaqarsinnaaneq

§ 6. Kommunalbestyrelsip imaluunniit Akileraartarnermut Pisortaqarfik, § 1 naapertorlugu piginnaatinneqarsimasup, kommunalbestyrelsip imaluunniit Akileraartarnermut Pisortaqarfifup akiligassiisummik akiliisitsiniarnissamilluunniit suliassamik suliaqarnissaanut atatillugu kommunalbestyrelsi suliakkiisoq, paasissutissanik suliap suliarineqarnissaanut pisariaqartin-neqartunik piumasaqarfigisinnaavaa.

Imm. 2. Kommunalbestyrelsip kommunalbestyrelsimek allamik imaluunniit Akileraartarnermut Pisortaqarfimmik § 1 naapertorlugu piginnaatitsisimasup, kommunalbestyrelsip suliassamik suliaqarnissaanut atatillugu kommuni piginnaatinneqartoq imaluunniit Akileraartarnermut Pisortaqarfik paasissutissanik, piginnaatinneqarnini tunngavigalugu pissarsiarisimasaanik piumasaqarfigisinnaavaa.

Imm. 3. Kommunalbestyrelsip imaluunniit Akileraartarnermut Pisortaqarfifup § 1 naapertorlugu piginnaatinneqarsimasup, kommunalbestyrelsip imaluunniit Akileraartarnermut Pisortaqarfifup akiligassiisummik akiliisitsiniarnissamilluunniit suliassamik suliaqarnissaanut atatillugu paasissutissat, kommunalbestyrelsip suliakkiisup suliamik suliaqarsimasuuguni pisortatut oqartussaasunut namminersortunullu inatsisit malillugit qinnutigisinnaasaralui qinnutigisinnaavai.

Atuutilerfissaq

§ 7. Inatsisartut inatsisaat ullormi 1. juli 2005-imi atortuulissaaq.

Namminersornerullutik Oqartussat, ulloq 12. maj 2005

Hans Enoksen

/

Josef Motzfeldt